

2 Petero

¹ Yesu Kristoac welen qe qe icya zéma Yesuac Méliméli icya ni Simeon Peteronéh, neñañ Anutu zéma aňgéh titi miñina Yesu Kristoac kekec so-lañawac kuhanéh naňgé néñu, ninzéh ninzéh nini késakeczinj eeyaguc imi héná imuhucyanec mihicñi énécmiyu késa keczu onac mia kiwi yomi o énécmizua.

² Anutu zéma neñañ Miñ Kewunina Yesuac hénia ninzu nininj kuaya qe qe ya imuac qeriaiguc ewa hiaya zéma luaeyanéh onac muru sécgéma hema kecmac.

Kristoac tohotoho ichéra ionac pakeñ ac.

³ Eñeya edamuya zéma hiayanéh neñañ héihéré nénécmiyec i ninmianzinj nininj imuac qeriaiguc mia Anutuac kuhanéh kekec zéma wawañ meme eeyaguc imuac buña moczoñ mihicñi nénécmiyec.

⁴ Imi mia baeciguc séwinawac siñ birianéh wañ nénécmiyu haka oñgiña késa kerinj imuac héñara mema Anutuac hénia ya téréyaiguc toro-qewinj niñac sisipac ac eñeña yanda eebipiyaguc imi nénécmiyec.

⁵ Hénia imuac niñac mia ini séc ménj seliseli wamma haka yomuhucyanéh kekecginaiguc toroqemu; Ninzéh ninzéh gina qahaiguc wawañ meme hiabia, wawañ meme hiabia imuac qahaiguc niniñgina,

⁶ niniñgina imuac qahaiguc melanzi amuma kekec, melanzi amuma kekec imuac qahaiguc

qeselima kekec, qeselima kekec imuac qahaiguc météré amuma kekec,

⁷ météré amuma kekec imuac qahaiguc dacmuna sinj, dacmuna sinj imuac qahaiguc goi héihéi wanamuma kekec imi toroqema imuac qeriaiguc kecmu.

⁸ Haka imuhucyanéñ onac muru hema emma heyu Miñ Kewunina Yesu Kristoac hénia ya kuaya qeqeya niñareñgéma kecma gorosona me arona ménda wammu.

⁹ Ménénéñ haka imuhucya ménda añgénéñ tiyu hemizac imi kiwa mugu mugumia zéma kic hilic. Wanu ic imuhucya imi késpedesya bec zuacmimia wanec, néñ imi eluñ qeyu kecanzac.

¹⁰ Dacmuna hécna imuac niñac séc ménéñ ogicma seliseli wamma ai buñagina meseligimu. Imuhuc wanjic ai imuac unuruma megési énécmiyec imi hicñitegiru hémmu. Ini imuhuc wammuiguc ménda maunumac, néñ seligima kecmu.

¹¹ Imuhuc wamma kecmuiguc neñañ miñ kewunina añgénéñ titi miñina Yesu Kristo iwac héngaleñ ama areña yanda hehe selia imuac naguya moczon auénécmiyu osiosiya qahac kereñdacmu.

¹² Imuac mia ini hénia imi niñasarima ac héla deguc kesa keczu imuaru nañseligiac keczu, néñ ini haka imuac niñqelimu niñac nalé séc énézemañ zé ninzua.

¹³⁻¹⁴ Ni Miñ Kewuna Yesu Kristonéñ zéasari néñec séc séwi halina focdac hetecgemañ imi ninzua. Imuac mia ni baec séwiac haliguc kicqeli kecanzua nalé imuac séc meqeli énécmiwa niñqelima kecmu niñac nimba sécgézac.

15 Wañu wai énécmima kemmanñ imuac andi-aiguc ini acguc ackuazéc énézéyi imi niñqelimu niñac aina selianec mekeczua.

Kristoac edamuya.

16 Miñ Kewunina Yesu Kristoac kuha zéma mama hahayawac énézéyiñ suruc imi nemu surucdac ménñ ic ménñéñ hiabianec areñgéma zézéya imuhucya ménda méndacma énézéyiñ, néñ neñac kicninanéñ eñeña miñinawac héniaya imi héñiñ imuac héipuc ic wamma énézéañiñ.

17 Edamu asaha eebipiyaguc imuac qeria igucnec ac ewa ménñ yomuhuc mayec. Mayu inéñ Mañgoc arunec eebipiya zéma edamuya késayec. Yomi imi nuac nañ sorocna, iwac nimba sécgéyu ségiségi wañanzua.

18 Ac ewa imi nini i guc momacnec baec boña téréyaiguc kecni kurumenñ igucnec hicñiyu neñac gezac ninanéñ niñiñ.

19 Wañu neñañ muru kua meme ic ionac ac he nénécmiyu niñni héla téngéñ wañanzac. Wañu ac iminéñ mia kifa ésécnec siñi tunumanñ qe-tagali énécmiyu imuac mia kicgina hima kecgic ama gianñiyu ewa qeriginaiguc gianñianñawac widi yanda Yesu imi éréyu mihicñimu.

20 Wañu walac ac yomi niñyacgému, anduac ac kiwi téréyaiguc ooyawac hezac imi ic ménñ eñeyawac héiqeli ac igucnec ménda haanzac.

21 Andiawac ara imi nalé ménñac ménñ ic ménñac ewa siñ igucnec ménda mihicñigic, néñ uña téréyanéñ tilénggé énécmiyu Anutu arunec ichéra ieneñ zéhicñianñgic.

2

Anutuac tilij tilij ic ikora zéma kiwi ic ikora.

¹ Néh ic enia ionac sugginaiguc acguc Anutuac tilij tilij ic ikora hicñjima keczu. Imuhucyanec sugginaiguc acguc kiwi ic ikora hicñjima kecmu. Ienen imi mebiri énécmimiacac buña suruc ikora imi éléh nec mema sugginaiguc érému. Ienen imi enañ boñ héré meénécmiyec Miñ Kewu i qaecgéma focfoc mebiri énécmimiawac buña imi héré anjétimu.

² Wañu ienen kaisero wañgic sasalanéh méndac énécmimu. Wañu ic ionac niñac ac hélawac héna imuac zébiri qébiri wammimu.

³ Kiwi ic ikora imi enen hémbaociguc namma ackuazéc ewaginaiguc téyu iminéñ batucgé énécmima iwawaigina héré onagic wammu. Wañu tasé mihicñji énécmimiawac ai imi becarunec ménda horugianzac. Wañu mebiri qebiriac kuhanéh gau niñ ménda wamma ic imuhucyawac inicma keczac.

⁴ Anutunéh kua meme uña tosara kápésic wañgic ionac kápésicgina ménda wai énécmima uña biria ionac baec dumuñawac bawaiguc gili énécmima sinji tunumañ yanda imuac hésa amaiguc onoporu kenkecgic zégésigési naléya hamacac hezac.

⁵ Wañu becaru Noa solañ kekecac buña zéau énécmiyec i zéma iwac sac taséhera 7 ionac sac goigina héima galenagé énécmiyu kecgic, néñ baecac hicñjsai tosara Anutu eeya ménda héiañgic

ionac imi goigina ménda héima doku qaon yanda mihicñi énécmiyec.

⁶ Wañu Sodom zéma Gomora ama areña yanda imuac miñina imuhucyanec qahac wammu niñac zétecgé énécmiyu bucalalañ wandacgic haka im-inéñ hicñisai biria andiaiguc hamu ionac séséc wañec.

⁷ Wañu ic solaña Lot imi héna ac qahac kecañgic ionac kaisero haka qesalecgégéya imuac niñac réwéri mihicñima keru imuacnec metecgé miyec.

⁸ Ic solaña inéñ ionac sugginaiguc kecma naléya naléya wawañ meme héna ac logilogiya imi kiwanéñ hémma gezawanéñ niñu ewa qeri solaña imi sisic waizalañguc opocañec.

⁹ Miñ Kewuninanéñ imi niñtegicma ic embac solaña imi manam batuc igucnec metecgé énécmima ic biria imi wai énécmiyu biriaginawac bakia bisima kecgicnec zégésigési naléya hamac.

¹⁰ Séwiac siñ tohoma siñ biria qeriaiguc tacyac wamma miñ mañgoc wañ énécmimia wac mematiti wammianzu imi kitiwagina melen énécmimacac hezac.

Imi eneñ mia bac yandi yandigina qahac déméñgina seliseli wamma zénéñgina ménda hirima edamu ginaguc keczu i zébiri énécmianzu.

¹¹ Néñ kua meme uña ic imuhucya onogicma kucgina kunéñ yanda sécgina mén he énécmimia ieneñ imi Miñ Kewuninawac wésiaiguc ionac mia zébiri qébiri ac ménda mema aciguc ménda onopocanzu.

¹² Wañu ieneñ imi hénihénia igucnec énépésiyu kemma humumu niñac hicñigic yañ beric ésécnec iwawai ménda niñacgégic imuac mia

zébiri wammima mebiri qebiri imuac qeriaiguc mebiri qebiri mihicñianzu.

¹³ Wañu haka biriawac kitiwawac haka biria mihicñima kaiwe asaha yanda qeriaiguc nezélélén wamma niñgic sécgéanzac. Iminén mia zapi qeqegina zéma késpedesgina wanzac. Ienen imi iniguc ariaciguc kecmu imuaru ikociguc héihéré wañamuma nezélélén wañanzu.

¹⁴ Kicgina imi kaiseroneñ sécgéma heyu késpedes waimuac séc qahac wañu ic embac tosara qeri uñagina ménda seliseligia imi haléc wañ énécmianzu. Wañu ewa qeriginanén seligiyu hémbaoc haka efima wañanzu. Imi enen mia saecac nambérac héra keczu.

¹⁵ Imi enen héna dindiña imi waima kemma rouc wamma kecma Beoroac naña Balamac[✧] héna méndacma kenzu. Ic imi mia wawañ meme biriawac boña niñac siña niñañec.

¹⁶ Imuhuc wamma keru Miñ Kewunén donki yañ ara qahac imuac kuaya mema ic ionac ac ewaiguc ac wammima gezac qézén ic iwac haka sohosohoya imuac neun héimiyec.

¹⁷ Ic imuhuya imi doku hogocya dokuya qahac zéma hosusu luhuc selianén mihilañgéyu kenha wañanzu ésécnec. Ionac niñac siñi tunuman mézézéñgéyu hezac.

¹⁸ Ienen imi séwi eñeñawac ac eñomia lomma zéma haka soho sohoya wawaña ionac murunec waizalañ wamma néñgacma hahaya imi muñguc kaisero hakanén séwiac siñiguc wamma haléc ac wañ énécmima

[✧] 2:15: Yud 1:11

¹⁹ hulac énécmi hésa qaté qahac kecmu zéma ac zikima énézéanzu, nēj enaṅ imi haka houhouyawac welenqeque ic keczu. Imi mia hénia yomuhuc niṅac; Ic méjnén ménda ogicmac imi mén ogiczac iwac welen qeqeya wammacac hezac.

²⁰ Ieneṅ imi anḡén titi miṅina Miṅ Kewunina Yesu Kristo nimmima baecac haka biria imuac-nec nēḡacma hamaguc muḡuc haka iminén qatéénécmima meseli énécmiyu imi bec kekecgina hénihéniaiguc kecgic imi ogicma moczoṅ biridac-mac.

²¹ Héna solaṅa niṅasarima zézé seli ac téréya mératéc buṅa énécmimia imi andé qezu ionac niṅni biriḡiria waṅu duṅa melemma héna solaṅa ménda nimma kekera ionac niṅni mén ogicma hia zézé wanzac.

²² Pakeṅ ac héla yominén ionac muru héla héizac. Kazu imi loloṅa muḡuc nemaṅ zé liliḡéanzu. Waṅu beric imi doku naecmaguc muḡuc gizoṅiguc kemma lumuc euma heanzu.

3

Miṅ Kewunén liliḡéma hamac.

¹ Kunuchécna, deguc kiwina mén yomi owa hatac éréhéc wanzac. Kiwina éréhéc-nec imuaru imi ewa qerigina héla mindi énécmimaṅ zé hénia yomuac mia meqeli énécmizua;

² Eneṅ kua meme ic téréya ieneṅ andu ac zégic ackuazéc imi zéma Miṅ Kewunina anḡén titi miṅinanén Yesuac Méliméli ic ionac kuagi-naiguc haiyu énézégic imi niṅqelima kecmu niṅac oénécmizua.

³ Walac imi yomuac niñselimu, nalé tetcgiaiguc zésiloloc wañanzu imi eneñ hama séwiginawac siñ méndacma wamma zésiloloc wamma yomuhuc énézému.

⁴ Miñ Kewu lilingéma hamac zézé seli imuac héla dimia? yanda hécnina humudacgic, néñ iwawai sasala baec hicñiyec igucnec hema hama kerec imi imuacnec hema keczac.

⁵ Imuhuc zéanzu eneñ imi Anutunéñ zéyu ackuazécyá imuac niñac kurumeñnéñ becarunec hicñima hezac imi zéma baec imi doku igucnec zéma dokunéñec mihicñiyecac hezac imi kilenñ eluñ unumac niñ wanzu.

⁶ Héña imuac niñac becnecc baec yomi dokunéñ luma hoturuyu humudacgic.

⁷ Wañu ackuazéc iminéñec baec kurumenñ deguc hezaoc imi gésigési naléiguc biria meme ieneñ zéraiguc emmu imuac naléya ducñimacac séc gericac buña añgénñ tiércmiyu mambéc hezaoc.

⁸ Kunuchécna, Miñ Kewuguc imi ai meme momacguc imi niñu yawuñ tausenñ éséc wañanzac, wañu yawuñ tausenñ imuac niñu ai meme momacguc tanec wañanzac imi eluñ ménda unumac.

⁹ Miñ Kewuac sisipac ac imi ic tosara eneñ nalé horugizac zéma niñanzu ésécnec ménda horugizac. Imi mia ini moczoñ ménda biridacma keñkecma ewa melenñ wandacmu niñac wamma nalé herec bénzénñ mambéc wañ nénécmianzac.

¹⁰ Wañu Miñ Kewuac naléya imi kowu nene ésécnec éléñec hamac. Nalé imuaru imi kurumenñ imi héténñ yandaguc qacma aulangéma kendacmac. Wañu baec imi gericnéñ zeyu doku

ésécnec wamma uraha qahac wandaru imuaru ai memeyawac hezac imi acguc qahac wandacmac.

11 Iwawai momac yanda imuhuc qahac wandacmac, imuac ini ic dimuhucya wanġic sécgémac? Wawanġ meme téréya zéma haka eeyaguc kecma

12 Anutuac naléya imi hamac niġ hélacnec mambéc kecmu. Nalé imuaru imi gericnéġ zeyu kurumenġnéġ doku ésécnec hularu iwawai héhéġa imi pépélma madacmac.

13 Wanġu neġaġ imi iwac sisipac aciguc hezac séc kurumenġ qelia zéma baec qelia hicġimaoc niġ mambéc kecanġiġ. Wanġu baec imuaru imi haka solaġa hezac.

14 Imuac kunuchécna ini iwawai imuhucyawac mambéc keczu. Imuac iwac kiwaiguc zapi qahac késpedes solaġ wamma luaeiguc wininimu niġac seliseli wamma kecmu.

15 Wanġu Miġ Kewuninanéġ nalé horua bisiqatéġ wanġ nénécmianzac haka iminéġ anġéġ titinina wanġ nénécmimac zéma nimmu. Dacmuna soroc hécnina Paulo i acguc niġtegic qinġtegic haimiyec séc imuhucyanec oénécmiyec.

16 Wanġu kiwiya oyec séc haka imuac zéyec. Wanġu kiwiya tosara imi niġyacġéwiġ zé batucġéni hénia hiġġac hiġġara wanzac. Ic tosara niniġġina qahac zéma ménda seligima nanzu ieneġ kiwi tosara ésécnec zénimma sécġina ogicma hénia miġima nimma eġaoc késpedes humumiawac mi-hicġianzu.

17 Imuac kunuchécna ini imi walac nindaczu imuac niġ tosara hénia ac qahac kecanzu ieneġ ac

halécnéŋ waŋ énécmigic seligima namma imuac-
nec mama unuwac niŋ galenŋ mema kecmu.

¹⁸ Waŋu Miŋ Kewunina zéma aŋgéŋ titi Miŋina
Yesu Kristo iwac goi héihéi zéma hénia niŋni
yandima kemmac. Edamuyanéŋ deguc zéma nalé
tetcgia qahac iwac muru hemac! Hélacnec.

SISIPAC AC QELIA
The New Testament and Psalms in the Kube Language
of Papua New Guinea
Buk Song na Nupela Testamen long tokples Kube long
Niugini

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

PDF generated using Haiola and XeLaTeX on 28 Dec 2024 from source files dated 31 Aug 2023

0403b50f-078d-52e2-a203-056e8a430665